

Kesyon yo poze souvan sou Dezyèm Tablo Plan Ajan Pi Ba Pri a

Kesyon yo poze souvan sa yo se sèlman pou moun ki resevwa 1095-A eki te enskri nan plan sante san asistans finansyè e ki gen pou yo idantifye SLCSP yo sou Tablo SLCSP Chak mwa.

- 1. Mwen te enskri nan yon plan sante nan mwa fevriye 2018 epi lè mwen te marye nan mwa jen 2018 mwen te ajoute madanm/mari mwen nan plan sante mwen an. Youn nan nou pa te gen lòt Pwoteksyon Esansyèl Minimòm. Ki Kategori Pwoteksyon Familyal nou?**

Si w marye, Kategori Pwoteksyon Familyal ou ap chanje mwa kote ou ajoute madanm/mari w nan plan w lan. Pa egzanp, si w te marye nan dat 17 jen epi ou te ajoute madanm/mari w nan plan w lan apati mwa jiyè, nouvo Kategori Pwoteksyon Familyal ou tap kòmanse nan mwa jiyè. Pandan mwa fevriye, mas, avril, me ak jen, Kategori Pwoteksyon Familyal ou se “Endividyèl.” Apati mwa jiyè, Kategori Pwoteksyon Familyal an se “Koup.”

Si ou pa te ajoute madanm/mari w nan plan w lan jiska mwa out, Kategori Pwoteksyon Familyal ou pap chanje jiska mwa out.

- 2. Patnè mwen nan kay ak mwen te enskri nan pwoteksyon ansanm nan mwa fevriye. Nou te marye nan mw jiyè epi te rete enskri nan mwenm plan sante a. Youn nan nou pa gen lòt Pwoteksyon Esansyèl Minimòm. Ki Kategori Pwoteksyon Familyal nou?**

Kategori Pwoteksyon Familyal an baze sou stati ou te genyen premye jou nan mwa a.

Pou mwa fevriye rive jiyè, oumenm ak patnè ou nan kay nou chak genyen Kategori Pwoteksyon Familyal “Endividyèl.” Apati mwa out epi apre, Kategori Pwoteksyon Familyal ou se “Koup.” Paskè viv nan kay pa yon stati pou deklarasyon enpo sou revni, oumenm ansanm ak patnè ou twouve nou nan fwaye apa epi yo konsidere kòm fanmi pou pwoteksyon separe. Y ap mete nou chak nan kolòn “Endividyèl” la sou tablo SLCSP.

3. Madanm/mari m avèk mwen te enskri nan yon plan sante nan mwa mas 2018 epi nou te divòse nan mwa setanm 2018. Youn nan nou pa te gen lòt Pwoteksyon Esansyèl Minimòm. Ki Kategori Pwoteksyon Familyal mwen?

Si w divòse epi ou retire ansyen madanm/mari nan polis asirans ou an, Kategori Pwoteksyon Familyal ou chanje apati mwa ansyen madanm/mari w pa sou polis ou a. Pa egzanp, si septanm se dènye mwa madanm/mari ou sou plan sante w la, soti mas rive septanm Kategori Pwoteksyon Familyal ou se “Koup.” Apati mwa oktòb, Kategori Pwoteksyon Familyal ou se “endividyèl.”

Si w te divòse epi ou pa te retire ansyen madanm/mari sou polis asirans ou a, tanpri ale gade sa yo di pou vè nan Fòm 8962. Pa bliye asire w pou rafrechi enfòmasyon sou kont NY State of Health ou a pandan ane a si ou gen chanjman nan salè oswa lòt sikonstans.

4. Madanm/mari m ak mwen te enskri nan yon plan sante nan mwa mas 2018. Nan mwa out 2018, nou te fè yon timoun e nou te ajoute l nan plan sante nou mwa sa. Youn nan nou pa te gen lòt Pwoteksyon Esansyèl Minimòm. Ki Kategori Pwoteksyon Familyal nou?

Pandan mwa kote se te oumenm ak patnè w ki te enskri, Kategori Pwoteksyon Familyal ou se “Koup.” Pou mwa kote nou tou letwa te enskri nan pwoteksyon an, Kategori Pwoteksyon Familyal ou vin “Koup + Timoun.” Nan egzanp sa, Kategori Pwoteksyon Familyal ou se “Koup” pou mwa mas rive jiyè epi vin “Koup + Timoun” pou mwa Out ak apre.

Si pitit ou pa te gen pwoteksyon jiska mwa septanm, Kategori Pwoteksyon Familyal ou pa t ap chanje jiska mwa septanm.

5. Kat pitit mwen yo enskri nan plan sante nan lane 2018 atravè NY State of Health san asistans finansyè. Yo pa genyen lòt Pwoteksyon Esansyèl Minimòm. Okenn lòt moun nan kay la pa enskri nan NY State of Health. Ki kolòn pou m itilize pou m kalkile Kredi Enpo sou Prim mwen?

Dabò, idantifye konte kote pitit ou yo tap viv nan chak mwa. Apre sa jwenn montan prim chak mwa pou “Timoun Sèlman” pou konte sa. Miltipliye montan prim sa pa 3 pou kalkile pri Dezyèm Plan Ajan Pi Ba Pri a (SLCSP) a pou 4 timoun yo.

Montan Prim Chak mwa Timoun Sèlman se kantite kòb pa timoun, jiska 3 timoun, pou timoun ki poko gen 21 ane. Si se sèlman yon timoun ki nan kay ki gen kouvèti asirans lan, itilize Montan Prim Mansyèl ki nan lis la pou jwenn SLCSP a. Si se sèlman de timoun ki nan kay ki gen kouvèti asirans lan, miltipliye Montan Prim Chak Mwa Timoun Sèlman pa de. Si gen twa oswa plis timoun nan kay ki gen kouvèti asirans lan, miltipliye Montan Prim Chak mwa Timoun Sèlman pa twa.

- 6. Mwen se sèl moun nan fanmi w ki enskri nan yon plan sante atravè NY State of Health nan mwa fevriye 2018 epi mwen pa gen lòt Pwoteksyon Esansyèl Minimòm. Nan mwa jiyè 2018, mwen te kite Konte Albany pou ale viv nan Konte Franklin. Kijan pou m jwenn bon prim SLCSP chak mwa?**

Kategori Pwoteksyon Familyal lan baze sou kote ou t ap viv nan premye jou nan mwa a epi prim SLCSP a ap chanje mwa a pre ou mouv la. Dabò, gade prim SLCSP yo pou Kategori Pwoteksyon Familyal Endividyèl. Apre gade prim SLCSP pou Konte Albany pou mwa fevriye rive jiyè. Pou mwa out ak apre, itilize prim SLCSP pou Konte Franklin.

- 7. Madanm/mari m, de timoun nou yo, ak mwen enskri nan yon plan sante atravè NY State Sante. Madanm/mari m ak Mwen ap viv nan Konte Dutchess. Timoun nou yo ale nan kolèj nan Konte Hamilton. Ki konte nou gade pou prim SLCSP nou an?**

Si kontribiyab prensipal la enskri, ou dwe itilize SLCSP a pou konte kontribiyab prensipal la. Nan ka sa, kote paran yo se kontribiyab prensipal, yo dwe itilize prim SLCSP la pou Konte Dutchess.

- 8. De timoun nou yo, enskri nan yon plan sante atravè NY State of Health, men mwen pa enskri. M ap viv nan Konte Dutchess epi timoun mwen yo ale nan kolèj nan Konte Hamilton. Ki konte mwen itilize pou prim SLCSP pa yo a?**

Nan senaryo tankou sa, kote kontribiyab prensipal la (paran) pa enskri nan yon plan sante, SLCSP a se adrès rezidans manm prensipal la. Nan ka sa, prim SLCSP a tap prim pou kèlkeswa konte timoun yo itilize kòm adrès rezidans prensipal yo chak mwa.

- 9. Mwen manm ak madanm/mari m enskri nan yon plan sante atravè NY State of Health san asistans finansyè nan mwa Janvyè. Nan mwa jen, madanm/mari m te resevwa Medicare Part A men te kenbe plan NY State of Health li a. Ki Kategori Pwoteksyon Familyal nou?**

Pandan mwa kote nou toulede te enskri nan yon plan NY State of Health epi ni oumenm ni madanm/mari w pa te gen Medicare, ki se lòt Pwoteksyon Esansyèl Minimòm, Kategori Pwoteksyon Familyal ou se “Koup.”

Pandan mwa yo kote nou toulede to enskri nan yon plan NY State of Health epi madanm/mari w te gen Medicare Part A, Kategori Pwoteksyon Familyal ou se “Endividyèl” paske yo konsidere Medicare Part A kòm Pwoteksyon Esansyèl Minimòm.

10. Madanm/mari mwen ak mwen te refize kouvèti asirans sante nan men patwon mwen epi nou te enskri nan yon plan sante atravè NY State of Health. Ki Kategori Pwoteksyon Familyal nou?

Nan senaryo sa, Kategori Pwoteksyon Familyal ou ap depann sou wi oswa non Asirans Patwon an peye pou li a (ESI) te bon mache pi si li te founi Valè Minimòm. Si ESI a pa te bon mache oswa pa te founi Valè Minimòm, Kategori Pwoteksyon Familyal w lan se Koup. Si ESI w la te bon mache oswa te founi Valè Minimòm, ou kalifye pou PTC a.

Pou w konnen si pwoteksyon w lan te bon mache oswa te founi Valè Minimòm, tanpri konsilte kesyon 8 ak 9 nan IRS la sou Kredi Enpo sou Prim lan: <http://www.irs.gov/Affordable-Care-Act/Individuals-and-Families/Questionsand-Answers-on-the-Premium-Tax-Credit>

11. Madanm/mari m ak mwen nou deklare pitit adilt nou an kòm yon depanndan. Nou tout enskri nan plan sante separe nan NY State of Health. Ki Kategori Pwoteksyon Familyal nou?

Kategori Pwoteksyon Familyal ou se “Koup + Timoun.”

12. Mwen enskri nan yon plan sante atravè NY State of Health. Madan mwen enskri nan Medicaid. Ki Kategori Pwoteksyon Familyal mwen?

Kategori Pwoteksyon Familyal ou se “Endividyèl.”

13. Poukisa patnè m nan kay ak mwen gen se fanmi pwoteksyon separe?

Paske viv nan kay pa yon stati pou deklarasyon enpo sou revni, oumenm ansanm ak patnè ou twouve nou nan fwaye apa epi yo konsidere kòm fanmi pou pwoteksyon separe. Y ap mete nou chak nan kolòn “Endividyèl” la sou tablo SLCSP.

14. Mwen bezwen itilize tablo SLCSP chak Mwa pou idantifye prim SLCSP mwen. Mwen konnen kilès ki te kouvri sou polis mwen an, men mwen pa konnen kilès nan moun sa yo sou enpo fanmi an.

Pou ka konnen kilès moun ki nan pwoteksyon familyal ou a, ou dwe tou dabò konnen enpo familyal ou. IRS la detèminen “enpo fanmi” nan sa li di pou fè pou Fòm 8962. Si w gen plis kesyon sou kilès ki nan enpo fanmi w, tanpri ale sou www.irs.gov oswa ale kote konseye w nan zafè taks.